

solche Arzneyen können kauffen & Versage jhn ewer mildte Hülff
nicht/speist/trenckt/vnd labt sie/Gott wirdts euch reichlich wider ver-
geltet.

Von andern Zufällen disz Fiebers/als anfenglich von
Beuln vnd Knöpff hindern Ohren/ an Wangen / auch von
Geschwulst des Angesichts vnd Zahnfleischs.

Andere
Zufall in
dieser
Kranck-
heit.

Hec komm wider vff die symptomata, vnd signa crisia, die
mir begegnet seynd in curando dieser Sucht / vnd wil vom
Haupt anfahen/vnd also fort hinab.

Elichen fahren baldt im ersten paroxysmo häfftige Knöpffel oder
Beuln hinder den Ohren / auch vnten an Wangen / das Angesicht
lauffet jhn an/daz man jhn offt kaum die Augen sehen kan. Es ge-
schwillt jhnen das Zahnsfleisch/vnd haben grausamen Schmerzen in
Zähnen/diese wil ich in ein Eure nemen / aber die Geschwulst gehet nur
bis zum Hals/vnd kommen gemeiniglich ex veneno stupefactivo
vel vitioso aere oder von bösen empfangnen Winden. Diese Kran-
cken/wo sie stehen/seynd sienit vast gut / sonderlich in diesen pestilensi-
schen Fiebern/teste Hipp. Secundum aures tubercula de gravi-
bus veniunt, maximè in febribus ardentibus, si non decernant,
maturescantque , sanguisque de naribus si non fluat, interi-
munt. Und sonderlich wo es die Krancken fast in Ohren sticht / vnd
sie in denselbigen hefftige dolores befinden/wie eben Hipp. sagt/Acu-
tus dolor in aure cū febre non intermitte, vehementiq; gra-
ve periculum minatur. Nam & mentem & hominem rapit.
Jedoch so vergehn offt diese Düppel baldt/vnd schaden nit so häfftig/
man soll sie auch nit liederlich zur schwerung treiben/wann sie dann
weichen/rinnen si lange Zeit/vnd seynd nit zut zu heilen.

Suffumi-
gatio cum
lychno.

Wo man nun solche Krancken hat/soll man sie erstlich mit der
Apfelerken/darvon oben Cap. 4. gemeldt rauchen / darnach sachen
überlegen / die solche zertreiben / vnd verschwindend machen / damit
sie sich nit anröthen/vnd zur Alterung kommen. Etliche nemen Cas-
millenöl vnd Etheriack/vnd salben solche Ohrnättel darmit. Ich hab
Lüb-